



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-007-4/24**
Datum: **8.3.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „PARTNER bp“ d.o.o. Bosanska Krupa, za izdavanje vodne dozvole za ispuštanje oborinskih onečišćenih voda sa lokacije objekta benzinske pumpne stanice sa pratećim sadržajima, izgrađenog u naselju Ljusina, općina Bosanska Krupa, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola pravnom licu „PARTNER bp“ d.o.o. Bosanska Krupa, za ispuštanje onečišćenih oborinskih voda sa lokacije objekta benzinske pumpne stanice sa pratećim sadržajima, izgrađenog u naselju Ljusina, na zemljištu označenom kao k.č. broj: 18/208-1 K.O. Otoka I (stari katastarski operat), odnosno k.č. broj: 1457/1, K.O. Ljusina (novi katastarski operat), općina Bosanska Krupa.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da korisnik predmetnog objekta benzinske pumpne stanice sa pratećim sadržajima, isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Skladištenje nafte i naftnih derivata vršiti u podzemnim dvoplašnim rezervoarima, sa primnjenom sistema automatske dojava o procurenju međuplašnog prostora, ukupnog kapaciteta 100 m³.
 - 3.3. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.4. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru a prije ispusta u prijemnik, predvidi izgradnja okna za monitoring, shodno članu 19. stav (4) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20 i 01/24).
 - 3.5. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
 - 3.6. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i pretakališnih površina nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti), a zatim tretirane vode ispuštaju u recipijent.
 - 3.7. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi računa o zahtjevima iz ovog Rješenja.

- 3.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe, a rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.9. U toku važenja ovog Rješenja, korisnik predmetnog objekta je obavezan poduzeti sve potrebne mjere kako bi kvalitet oborinskih onečišćenih voda, a prije ispuštanja u recipijent, zadovoljio granične vrijednosti emisije definisane u članu 14. i 15. Uredbe o uslovima ispuštanja otpadnih voda u okoliš i sisteme javne kanalizacije.
- 3.10. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.11. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik „PARTNER bp“ d.o.o. Bosanska Krupa je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnim objektima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 129. stav (1) Zakona o vodama („Službene novine Federacije BiH“, broj 70/06) se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, „PARTNER bp“ d.o.o. Bosanska Krupa, obratilo se ovoj Agenciji zahtjevom, zaprimljenim dana 9.1.2024. godine, za izdavanje vodne dozvole za promet opasnih materija kao i proizvoda od tih materija koje nakon upotrebe dospjevaju u vode te ispuštanje onečišćenih oborinskih voda sa lokacije objekta benzinske pumpne stanice sa pratećim sadržajima izgrađenog u naselju Ljusina, na zemljištu označenom kao k.č. broj: 18/208-18- K.O. Otoka I (stari katastarski operat), odnosno k.č. broj: 1457/1, K.O. Ljusina (novi katastarski operat), općina Bosanska Krupa.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Aktuelni izvod iz sudskog registra; Matični broj subjekta upisa: 1-94-00; izdan od strane Općinskog suda u Bihacu dana 17.10.2023. godine

- Uvjerenje o poreznoj registraciji, izdano dana 29.08.2014. godine, od strane Federalnog ministarstva finansija, Porezne uprave Federacije BiH – Kantonalni porezni ured BIHAĆ,
- Uvjerenje o registraciji/upisu u Jedinствeni registar obveznika indirektnih poreza, broj: 04/1-17-1-UPJR/1-5985-2/14, izdano od strane Uprave za indirektno – neizravno oporezivanje Bosne i Hercegovine, dana 14.10.2014. godine, u Banjaluci (ovjerena kopija),
- Nalog za plaćanje upravne pristojbe (kopija),
- Rješenje o vodnoj dozvoli, kojim se investitoru „PARTNER COMMERCE“ d.o.o. Bosanska Otoka, daje vodna dozvola za skladištenje i promet opasnih materija i ispuštanje tehnoloških (industrijskih) otpadnih voda iz objekta benzinske pumpe sa pratećim sadržajima, locirane u naselju Ljusina, općina Bosanska Krupa, izgrađenog na zemljištu označenom kao k.č. broj: 1457/1, K.O. Ljusina, općina Bosanska Krupa; izdano od strane Agencije za vodno područje rijeke Save Sarajevo pod brojem UP-I/25-3-40-462-4/13, dana 29.07.2013. godine (kopija),
- Rješenje o vodnoj dozvoli, kojim se: 1. mijenja se rješenje ove Agencije broj: UP-I/25-3-40-462-4/13 od 29.07.2013. godine u smislu promjene imena investitora, tako da umjesto imena Investitora „PARTNER COMMERCE“ d.o.o. Bosanska Krupa treba da stoji: „PARTNER bp“ d.o.o. Bosanska Krupa, 2. u ostalom dijelu rješenje ostaje nepromijenjeno; izdano od strane Agencije za vodno područje rijeke Save Sarajevo pod brojem UP-I/25-3-40-462-6/13, dana 07.09.2017. godine (kopija),
- Rješenje o vodnoj dozvoli, kojim se daje vodna dozvola pravnom licu „PARTNER bp“ d.o.o. Bosanska Krupa, za promet opasnih materija kao i proizvoda od tih materija koje nakon upotrebe dopijevaju u vode te ispuštanje onečišćenih oborinskih voda sa lokacije objekta benzinske pumpne stanice sa pratećim sadržajima, izgrađenog u naselju Ljusina, na zemljištu označenom kao k.č. broj: 18/208-1 K.O. Otoka I (stari katastarski operat), odnosno k.č. broj: 1457/1, K.O. Ljusina (novi katastarski operat), općina Bosanska Krupa; izdano od strane Agencija za vodno područje rijeke Save Sarajevo pod brojem: UP-I/25-3-40-457-5/18, dana 09.10.2018. godine (kopija)
- Rješenje, kojim se odobrava DJL „PARTNER COMMERCE“ iz Bos. Otoke, da kao investitor može pristupiti izvođenju radova na izgradnji benzinske pumpe sa pratećim objektima uz magistralnu cestu M-14, na dionici puta Bos. Krupa – Otoka, na zemljištu označenom kao k.č. br. 18/208-1 K.O. Otoka I, posjednika Bešić (Zaim) Halida; izdano od strane Službe za urbanizam i građenje općine Bosanska Krupa pod brojem 04/23-898/99, dana 26.07.1999. godine (kopija),
- Rješenjem broj: 05-20-1874-UP/02 od 06.08.2002. godine, kojim su utvrđeni propisani minimalni uslovi tehničke opremljenosti i zaštite na radu kao i drugi uslovi za obavljanje trgovine na malo, sa sjedištem: Ljusina bb, općina Bosanska Krupa, u sastavu doo „PARTNER COMMERCE“ Bosanska Otoka, sa predmetom poslovanja: trgovina na malo gorivom za motorna vozila i motocikle, trgovina na malo dijelovima i priborom za motorna vozila, mazivima, raznovrsnom robom i trgovina na malo gasom u bocama. U rješenju broj: 05-20-1874-UP/02 od 06.08.2002. godine, mijenja se: - naziv firme i glasi: d.o.o. „PARTNER bp“ – šifra djelatnosti i glasi: G/47.30; G/45.2 i G/47/78; izdano od strane Službe za obrt, poljoprivredu i poduzetništvo općine Bosanska Krupa pod brojem UP-I-09-20-544/17, dana 17.03.2017. godine (kopija),
- Godišnji izvještaj o monitoringu i ispitivanju otpadne vode za PARTNER d.o.o Bosanska Krupa; urađen od strane Poduzeća za kontrolu kvalitete i količine robe Herkon d.o.o. Mostar pod brojem GI-OV-02-038/23, marta 2023. godine, u Mostaru,
- Zaključak o visini i roku za plaćanje posebnih troškova, urađen od strane Agencije za vodno područje rijeke Save Sarajevo pod brojem UP-1/21-3-40-007-2/24, dana 24.1.2024. godine te kopija uplatnice za iste,

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, izvršen je pregled izgrađenog poslovnog objekta benzinske pumpne stanice sa pratećim sadržajima i tom prilikom sačinjen zapisnik o uviđaju broj: UP-I/25-3-40-457-3/18 od 05.10.2018. godine.

Na osnovu dostavljene dokumentacije i izvršenog uviđaja na licu mjesta utvrđeno je slijedeće:

Poslovni objekt benzinske pumpne stanice sa pratećim sadržajima „PARTNER bp“ d.o.o. Sarajevo, je izgrađen u naselju Ljusina, grad Bosanska Krupa.

Objekat se sastoji od nadstrešnice iznad aparata za istakanje goriva sa maloprodajnim mjestom, sanitarnim i upravnim prostorijama, spremnika za gorivo i plin, separatora, internih saobraćajnih i parkirnih površina, zelenila te objekta samouslužne autopraonice.

Gorivo se dovozi autocisternama i pretače u ukopane dvoplašne spremnike, ukupnog kapaciteta 100 m³. Sanitarne otpadne vode iz maloprodajnog objekta su cijevnim sistemom sprovedene do septika. Oborinske vode sa krovova su sistemom horizontalnih i vertikalnih oluka sprovedene do revizionih čaštova.

sistemom do ispusta u korito potoka Ljusina, koji protiče uz predmetnu građevinsku parcelu. Potok Ljusina se potom ispod trupa magistralne ceste ulijeva u korito rijeke Une, koja teče paralelno sa trasom ceste. Oborinske vode sa manipulativnih površina, koje mogu da sadrže produkte naftnih derivata i suspendirane materije, se nivelacijom terena slijevaju ka slivnicima i linijskim slivnim rešetkama te cijevnim sistemom odvođe do separatora ulja i masti na potreban tretman. Preliv iz separatora je izveden u korito potoka Ljusina. Oborinske vode sa betoniranih pretakališnih površina se nivelacijom istih ka linijskim slivnim rešetkama prikupljaju i odvođe, također do separatora ulja i masti na potreban tretman.

U prethodnom postupku je na uvid priložena urbanistička saglasnost, okolišna dozvola, dokaz o posjedu i vlasništvu te ugovor o zakupu potpisan kod notara Mirsada Mesića u Bosanskoj Krupi, pod OPU – IP:521/2010, dana 31.10.2010. godine.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja, propisani uslovi kojih se dužan pridržavati pri korištenju objekta, u skladu sa odredbama članova 53. i 116. Zakona o vodama, odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije i odredbama člana 12. i 13. Pravilnika o sadržaju, obliku, uvjetima i načinu izdavanja i čuvanja vodnih akata.

Konstatuje se da je podnosilac zahtjeva, „PARTNER bp“ d.o.o. Bosanska Krupa ispunio minimum uslova za izdavanje vodne dozvole za ispuštanje oborinskih onečišćenih otpadnih voda sa lokaliteta objekta Benzinske pumpe u naselju Mala Broda, grad Zenica, te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodom zemljištu („Službene novine Federacije BiH“, broj 71/09 i 102/18) korisniku predmetnog objekta utvrđene su obaveze u tački 5. dispozitiva ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10, 43/13 i 98/17)..

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- „PARTNER bp“ d.o.o. Bosanska Krupa, Ljusina bb, 77 240 Bosanska Krupa
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča-AVP Sava